

來鳳縣志卷一

天文志

星野

北斗第五星曰衡

春秋運斗樞

荆屬衡星

廣雅

北斗第五星玉衡主荆州

星經

鶉尾為楚

左傳

翼軫荆州

史記及漢書

軫星散為荆州

春秋元命苞

來鳳縣志

卷之一

天文志

星野

自翼一度起為荆州至翼之十六度為各長官司

通天玉書

自張十七度至軫十一度為鶉尾於辰在巳楚之分野

屬荆州

班固三統歷

楚地翼軫之分野也今之南郡江夏零陵桂陽武陵長

沙及漢中汝南郡盡楚分也

漢地理志

翼南五星曰東甌蠻夷星也軫南三十二星曰器府樂

器之府也青邱七星在軫東南蠻夷之國號也

晉書天文志

翼軫鶉尾也初張十五度中翼十二度終軫九度自房

陵白帝而東盡漢之南郡江夏東達瀘江南郡濱彭蠡

之西得長沙武陵又逾南紀盡鬱林合浦之地自沅湘
上流西達黔安之左皆全楚之分古荆楚郢都羅巴夔
與南方蠻貊之國翼與味張同象當南河之北軫在天
關之外當南河之南

新唐書天文志

山南道古荆梁二州之域江陵峽歸夔澧朗復郢襄房
爲鶉尾分 江南道古揚州南境岳鄂潭衡永道郴邵

黔辰錦施叙獎夷播思費南溪溱爲鶉尾分

唐地理志

張十六度至軫九度鶉尾之次也湖廣之武昌府興國
州荊州府歸夷陵荆門三州黃州府蘄州襄陽德安二

來鳳縣志

卷之一

天文志

星野

二

府安陸沔陽二州皆翼軫分長沙府軫旁小星曰長沙
應其地衡州府桂陽州永州府全道二州岳州常德二
府澧州辰州府沅州漢陽府靖郴二州寶慶府武岡鎮
遠二州皆翼軫分

明史天文志

施州衛禹貢荆梁二州之域天文翼軫分野


明一統志

按舊荊州府志云由施南湖瞿塘諸衛其地跨梁益
屬巴郡參八度井鬼相接之野而荆其餘分遂啟後
人星蜀地楚之疑宋廣文施南志稿雖辨其非仍以
施南入鶉首之次仍屬井鬼則辨而未辨也舊縣志

謂楚之西北鄖陽七縣故漢中郡古爲梁庸商麋諸國是秦楚之隅其星東井輿鬼終柳六度按於鶉火從施州上瞿塘以迄忠州諸衛其地跨梁益屬巴郡舊法參七度新法觜四度則亦參主其說不知來鳳古屬荊州楚地也分野自當從楚周天三百六十五度一度二千九百三十二里有奇今之荊州去此千里而近則固不獨來鳳一隅卽施州全郡亦在鶉尾之次考 大清一統志云夔州綏定二府酉陽一州石柱太平二廳皆鶉尾之次翼軫分野又龍山縣從

永順分置溯自武陵極於荊州南楚分星同在鶉尾之次翼軫分野來鳳西隣於酉東近於龍星分野軫更屬確然不得因通志有星蜀地楚之說執以論來鳳並執以論施州也

唐天文志河南之分中翼十二度



翼星圖

星經翼凡十八度一云十八度七十五分內十八尺爲黃道

來鳳縣志

卷之一

一

天文志

星野

四

翼爲羽翮主遠客正義云翼二十二星爲天樂府又主遠客占明大禮樂興四裔服

史記天官書

翼星明大禮樂興四裔賓動則蠻夷使來

晉書天文志

東甌五星在翼南蠻裔星也

宋史天文志

按隋書天文志東甌五星今無

唐天文志河南之分終軫九度

軫星圖



星經軫凡十七度一云十七度三十分內
十三尺為黃道

來鳳縣志

卷之一

天文志

星野

五

軫為車主風其旁有一小星曰長沙星正義云軫四星主冢宰輔臣又主車騎亦主風占明大則車騎用長沙一星在軫中主壽命占明則主長壽子孫昌索隱云軫與巽同位為風車動行疾似之也

史記天官書

軫四星主冢宰輔臣地主車騎主載任有軍出入皆占於軫又主風軫星明則車駕備動則車駕用轄星附軫兩旁主王侯左轄為王者同姓右轄為異姓

天文志

青邱七星在軫東南蠻夷之國號守常則吉

軍門

二星在青邱西一曰在土司空北天子六宮之門主營候設豹尾旗與軍門同占器府三十二星在軫宿南樂器之府也明則八音和君臣平 土司空四星在青邱西主界域亦曰司徒均明則天下稼穡豐

宋史天文志

軫七星主將軍樂府歌謹之事五星犯之失位亡國女子主政人失業賊黨掠入禍生於百日內若光耀則天下昌萬民康四海歸王太白守之天下學校散文儒失業

星經

來鳳縣志

卷之一

天文志

星野

六

北斗第五星玉衡主荆州專以五卯日候之乙卯為南陽己卯為零陵辛卯為桂陽癸卯為長沙丁卯為武陵又曰第五星不明或變色廢正聲務淫樂

星經

按隋書天文志青邱七星今三其軍門土司空器府俱無